

海城縣志

卷二——三

稅釐產稅等十二項

海城稅捐局職員表
僱員以下未列

官	名	職	名	姓	名	次	章	原	籍
司稅官局	局長	文	錄	義	集	防	金	州	州
司稅副局	局長	口	井	金	國		日	本	州
司稅總務課	課長	張	寶	琛	耀	玢	潘	陽	州
司稅稽查課	課長	席	寶	寶	聘	三	金	州	州
司稅牛莊分所	主任	桑	鵬	飛	梓	達	金	州	州
司稅文書股	主任	王	德	文	靜	軒	黑	山	州
司稅折木城分所	主任	尚	九	如	九	如	奉	天	州
司稅湯崗子分所	主任	宋	德	彰	銘	新	海	城	州
司稅騰鰲堡分所	主任	袁	金	重	維	階	遼	陽	州
司稅會計股	主任	袁	金	重	維	階	遼	陽	州

稅	佐	稽	查	股	主	任	初	子	學	子	學	大	連
稅	佐	東	樹	林	子	分	所	主	任	李	寶	良	樹
稅	佐	虎	莊	屯	分	所	主	任	馮	育	民	育	民
稅	佐	經	徵	股	主	任	陳	文	超	仲	起	開	原
稅	佐	威	王	泰	分	所	主	任	于	躍	海	月	喬
稅	佐	課	員	曲	貴	新	采	章	開	通	城		

稅捐局各項稅目列左

糧石稅

清光緒二十一年冬創辦斗秤土藥捐局專收斗秤土藥各稅總局設在牛莊至三十二年始移至本城改

辦統捐徵收土產銷場各稅糧石亦土之物一律徵稅嗣稅率屢有變更現行稅制粗糧值百抽五細糧值百抽十

油糧豆糧均值百抽二五按照康德元年度共收國幣六萬四千六百四十五圓三角

牲畜稅

清初順治元年凡貿易牛馬驢騾猪羊等稅稅課司每兩征銀三分向歸牛莊旗署徵收光緒三十二年始

歸稅捐局徵收牛馬驢騾改爲值百抽六猪羊值百抽三後又徵收印子稅則屠宰蓋印稅牛每頭二圓猪羊一圓

按照康德元年度兩項共收國幣四萬六千四百一十七圓三角四分

礦業稅

礦區礦產等稅起於民國初年迄今未改按照康德元年度共收國幣四千四百六十九圓四角二分

煙稅 清光緒三十一年稅捐局代辦煙酒加價事宜民國九年改爲煙酒事務分局附設稅捐局內嗣後屢有變更

現在稅制值百抽一十一按照康德元年度共收國幣四百一十三圓四角三分

酒稅 清初包納參票光緒三十二年取銷參票改爲菸加價民國九年改設煙酒事務局徵收煙酒各稅值百抽一

十一(康德三年八月又改爲按審課徵)按照康德元年度共收國幣七萬六千一百八十一圓

營業稅 清光緒三十二年創辦銷場稅稅值百抽二民國二十年五月改爲營業稅照賣錢數值千抽六按照康德

元年度共收國幣五萬七千四百六十一圓九角九分

棉紗統稅 民國創辦本色棉紗二三支以下每百斤徵收二七五圓二三支以上每百斤徵收三七五圓其他按從

價百分之五徵收按照康德元年度共收國幣九百五十二圓三角五分

麥粉統稅 民國創辦每四十斤(即一袋)徵收一角按照康德元年度共收國幣六千四百三十三圓九角

水泥統稅 民國創辦每重三七五磅徵收六角(每磅平均一分六厘)按照康德元年度共收國幣四百四十圓零

四角六分

印花稅 西曆一千六百二十四年創始於荷蘭東西各國多仿行之海城縣自民國二年奉令施行凡民契約賬簿

分書婚書以及當票發貨票等類均須黏貼印花以爲法定証據大同元年十月發行新印花票統歸稅捐局代售

按照康德元年度印花稅及雙喜印花稅(貼婚書用)共收國幣一十三萬七千九百六十七圓四角

木稅 清末徵收木料值百抽四木材值百抽八按照康德元年度共收國幣一千六百八十三圓五角八分

雜稅 舊營業稅貨稅漁稅按照康德元年度共收國幣二千九百九十七圓四角

雜收入 康德元年度共收國幣三百七十二圓九角三分

貨物稅酒稅 即出產稅值百抽一五按照康德元年度共收國幣二萬零七百一十二圓七角五分康德二年六月

底廢止

菸公賣費 民國創辦值百抽六按照康德元年度共收國幣二百二十五圓三角四分康德二年八月一日廢止

酒公賣費 民國創辦值百抽六按照康德元年度共收國幣三萬零二百零五圓二角八分康德二年八月一日廢

止

菸酒牌照稅 稅制整稅年納百圓甲等年納四十圓乙等年納二十圓丙等年納五圓按照康德元年度共收國幣

九千四百九十五圓康德二年六月底廢止

牙當稅 清制即有當稅牙帖稅民國之稅率大當商年納二百四十圓小當商年納一百二十圓牙稅年納十二圓

按照康德元年度共收國幣一千三百零二圓康德二年六月底廢止

以上各稅俱係國家稅統歸海城稅捐局徵收其欺解送奉天稅務監督署轉解中央財政部按照康德元年度總

計共收國幣四十六萬二千三百七十圓零八角七分

鹽釐補徵局 清光緒三十四年創設民國四年改爲鹽驗緝私局專司訊究私販及一切處分事宜本城食鹽統歸

領有鹽帖之鹽店售賣填給發票爲據否則概以私鹽論按照鹽數多寡分別處罰局內設卡長一員巡隊二名大

同元年奉令改稱鹽務署營口緝私局海城分卡康德四年奉令裁撤食鹽由國家專賣歸鴉片專賣署經理硝磺局本縣硝磺捐向歸商家包辦民國六年七月設局照價抽捐二成禁止硝戶私賣由局收買轉售商家硫磺由奉天總局價領按官價銷售局內設局長一員看硝員一人巡查二人雜役一人每年賣硝二萬餘觔收捐一千餘圓康德三年奉令裁撤

以上各項稅捐俱係國家稅除地稅契稅兩項歸縣公署財務局徵收外餘稅捐局徵收國稅通解交奉天稅務監督署轉解中央財政部

教育局之沿革 本邑自清光緒三十一年知縣管鳳翥蒞任始創辦學堂當委舊書院紳董曲泳長等專司其事及三十三年奉遵章設立勸學所地址在舊師範學堂東院所內置總董一員公舉留日師範速成科畢業歲貢生張文藻充之並舉邑紳王玉泉秦玉環李心曾鍾振鐸向其慎鄭沛霖等六人爲學董兼各路勸學員宣統三年春奉文改總董爲勸學員長裁撤學董爲各路勸學員是年城鎮鄉自治會成立各區添設區視學員輔助各路勸學員視察本區學務民國二年冬奉令改勸學所爲教育公所勸學員長改稱所長勸學員改爲事務員三年春自治會停辦區視學員裁撤所內添設教育委員視察學務是年所長張文藻辭職公舉周政歧接充因原有地址狹隘不敷應用遂遷至文廟西偏儒學公署舊址五年七月奉令仍改教育公所爲勸學所所長稱勸學所長事務員仍稱勸學員是年周政歧辭職復由張文藻繼任十一年春張文藻辭職由教育會會長李光前接充因從前鄉學教員由村會自聘易滋流弊遂呈請教育廳核准鄉學教員一併由所委任事權乃漸統一十二年五月奉廳令改組恢

復民國二年制度仍改教育公所並添董事九人由縣視學兼其一餘遴選地方公正士紳充之皆名譽職十三年李光前辭職由中路高小校長王恩慶接充是年廢舊學區按區村制區劃全境分爲十學區事務員分擔學務十八年秋又奉令改教育公所爲教育局所長改稱局長事務員改稱教育委員局內分一二兩課額設縣督學一委員四課長課員各二是年王恩慶解職應委師中校長陳寶森接充二十年九一八事變後陳寶森解職由第一課長張乃山暫代及十二月地方自治執行委員會成立改組教育處委韓連昌爲會長並改第一課爲學務課文書會計屬之第二課爲社會課庶務收發屬之大同元年三月又改教育局二年五月改課長爲股長課員爲科員康德二年九月教育局遷入縣公署內改稱海城縣公署教育局學務股仍舊社會股改爲禮教股縣督學改稱縣視學原有教育委員一律裁撤是年十二月調教育局長韓連昌爲內務局長其教育局長則由內務局長兼任各股仍舊惟在大同二年五月以前公文稿件由局自主自行五月以後則由縣長主辦

縣視學 清光緒三十三年設縣視學爲地方官之佐治員視察全縣學務當由提學使司委本縣訓導弓均兼充至民國二年訓導裁缺由勸學員長張文藻兼任三年張文藻辭職公舉李心榮接充次年三月奉文縣視學迴避本籍並須考選任用嗣後縣視學由遼瀋道尹委任八年改由教育廳委任十八年改稱縣督學隸屬於教育局康德二年九月仍改稱縣視學爲縣公署教育局職員之一

海城縣學事概況 附

本縣現有縣立初級中學二校九級職教員二十一人學生四百八十六人農科職業一校二級教員四人學生八十

一人小學六校三十六級職教員五十人學生二千二百六十九人幼稚園二級嫗姆二人學生九十三人村立小學四百四十四校六百三十一級職教員六百五十三人學生二萬八千七百七十四人私立小學二十四校四十一級職教員四十五人學生一千八百二十一人日語學校二校八級職教員十二人學生二百八十六人統計校數四百八十級數七百二十九職教員七百八十七學生三萬三千八百一十人全境學齡兒童八萬零九百零一人失學者約佔百分之五十八此本縣教育之大概情形也

海城縣屬學田一覽表

坐落	畝	數	來由
甘泉舖	二、一八六、畝 三七四	慈化寺廟產歸公	
東西湯爾河			
諸葛嶺			
八家寨			
官屯	一五、〇〇〇	觀音堂廟產歸公	
山水砬	三六、〇〇〇	三學寺廟產	
耿莊子	五七、〇〇〇	官屯本村廟產歸公	
	五二、〇〇〇	普安寺廟產歸公	
		同上	

前石井舖	八〇、〇〇〇	三學寺廟產
將軍屯	九〇、〇〇〇	邑人李華亭捐助
小螞蜂池	一、〇五四、〇〇〇	村會捐助
十里葦河	三〇〇、〇〇〇	虎莊屯公會捐助
武將台	四〇、〇〇〇	村會捐助
總計	四、〇三六、畝七七四	
說明	各處學田原歸教育局經理收租充縣立各校經費大同元年改歸財務局經收列爲縣有財產以期財政統一	

教育會之創設及沿革 清宣統元年正月奉部令組織教育會專以研究教育爲宗旨以縣境所屬教育人員爲會員當經投票選舉范迪公爲會長李心曾爲副會長並舉評議幹事若干人皆名譽職每年寒暑假期間開通常會一次或二次研究教育興革事宜遇有臨時發生事項則由幹事會解決之當時擬設宣講所一處簡易識字學塾每月出教育白話報一份立觀摩會章程每年會考全境同等學生一次藉資鼓勵教學之競進并在各區設立教育研究會數處交換知識以促進管養之改良經費每人年納會金二圓並由勸學所學款項下每年撥補助費六百元會址原在城內魚市口西租賃臨街市房一所宣講所簡易識字皆附會內民國二年遷至公園後官房院內

因地址僻遠又兼經費不足將宜講所簡易識字學塾白話報等陸續停辦僅研究會及觀摩會至今仍沿舊舉行
十八年奉文改組委員制改會長爲委員長二十年三月又改幹事制置常務幹事一人主持會務幹事六人分掌
文牘會計庶務各事項大同二年奉令又改爲會長制設正副會長各一人文牘會計各一人會員無定額歷任會
長委員長暨常務幹事如下

第一任	會長	范迪公	副會長	李心曾	會長制
第二任	會長	李光前	副會長	孫興疎	全
第三任	會長	孫恩元	副會長	王恩慶	全
第四任	會長	關廣治	副會長	趙立英	全
第五任	會長	蕭樹森	副會長	趙立英	全
第六任	會長	喬恩覃	副會長	李尚林	全
第七任	委員長	韓連昌	副委員長	喬恩覃	委員長制
第八任	常務幹事	韓連昌			幹事制
第九任	常務幹事	趙連第			幹事制
第十任	會長	李尚林	副會長	孔繁恕	會長制

學科研究區地址一覽表

研究區	地	址	研究區	地
城內研究區	縣立海城高級小學校	牌樓屯研究區	牌樓屯兩級小學校	
大甲屯研究區	大甲屯兩級小學校	岳州研究區	岳州兩級小學校	
前石井舖研究區	前石井舖初級小學校	大威王寨研究區	縣立大威王寨高級小學校	
後柳河子研究區	後柳河子初級小學校	前紅草泡研究區	前紅草泡初級小學校	
八岔溝研究區	縣立八岔溝高級小學校	虎莊屯研究區	虎莊屯兩級小學校	
析木城研究區	析木城初級小學校	牛莊研究區	縣立牛莊高級小學校	
上八里河研究區	上八里河初級小學校	小碼頭研究區	小碼頭兩級小學校	
黃單屯研究區	黃單屯初級小學校	藍旗堡研究區	藍旗堡初級小學校	
駕掌寺研究區	駕掌寺初級小學校	大高力房研究區	大高力房初級小學校	
桑樹溝研究區	桑樹溝初級小學校	騰鰲堡研究區	縣立騰鰲堡高級小學校	
大屯研究區	大屯兩級小學校	耿莊子研究區	耿莊子兩級小學校	
大望台研究區	大望台兩級小學校	馬風屯研究區	馬風屯初級小學校	

下河魚溝研究區	下河魚溝初級小學校	倉官屯研究區	倉官屯初級小學校
東艾塔堡研究區	東艾塔堡初級小學校		
總計	十	四	處
		計	十
			三
			處

學校教育

海城縣立初級中學校 原爲師範學堂清光緒三十一年知縣管鳳詠創辦校址在城內西南隅三學寺院內（即今法院）招簡易師範一班三年畢業以他山書院存款作開辦經費當委舊書院紳董歲貢生曲泳長張文藻附生秦玉璞等六人爲學堂監院聘武進狄寶琪爲國文教習日人桑野締三爲科學教習五月又聘日人辻忠治爲總教習綜理教管一切事宜伊東李藏爲體操東語教習三十二年添設附屬初等小學一班是年八月辻忠治狄寶琪等辭職又聘武進徐霖爲國文教習兼總教習（後改稱校長）三十三年續招簡易師範第二班（二年畢業）及師範補習科（一年畢業）各一班宣統元年正月又招師範補習科一班附屬高等小學一班是年冬校長徐霖辭職二年正添招師範講習科一班（年中畢業）暫由勸學所總董張文藻兼充名譽校長八月招聘奉天優級師範選科畢業范先炬爲校長改爲師中合校添招師範本科一班（五年畢業）中學一班（四年畢業）因校舍不敷用將原有鐘鼓樓折去改建食堂宿舍又將後殿改爲講堂及藏書理化各室規模於是略備民國元年秋又招師範講習科一班二年一月范先炬辭職由該校學監李光前繼任爲校長是年又續招師範本科及中學各一級並

將縣立兩等小學併入改爲附屬高等小學三年秋續招中學二級遂將舊學所舊址改修講堂及理化室四年改附屬高小爲中路城立高等小學校（即今縣立第一小學）自民國五年後每年續招中學一級及七年秋師範本科二級畢業適奉令停辦師範改爲海城縣立中學校並改附屬初等小學爲附設初等小學八年春李光前辭職由教務陳國棟接充十年將附設初等小學撥歸崇實學校學董竇寶鑫接辦十二年春陳國棟辭職由教育廳委孫恩元繼任十四年六月孫恩元辭職由關廣治接充越一年解職以陳寶森接充校長次年因校舍不適用商同縣長所長及地方士紳將舊校址折賣變價共得七萬餘圓不足又由農商兩界派款三萬圓另在城東玉皇山前購地八十九畝建築樓房四十餘間是年七月陳寶森陞任本縣教育局長由教務主任梁希文接充校長十月工竣遷入新校二十年秋事變停學大同二年春奉令復學將原有中學六級師範六級各併爲三級又添招初中二級共爲八級康德二年二月增設農科職業學校招生一級附在中學校內七月師範學生畢業停止招生康德三年二月又添招農科職業一級現有初中學生六級三百三十六人農科學生二級八十一人職教員十七人事務員二人

附師範傳習所 清光緒三十一年知縣管鳳詠創辦學堂因教材缺乏當在他山書院設立師範傳習所召集全縣生童入所傳習研究教育原理及格致算術體操諸學科三個月畢業先後畢業六班養成教材三四百人由是各處鄉學紛紛成立二年內推廣學堂至三百餘處學務遂較曠日上焉至三十四年冬師範傳習所停辦

縣立女子初級中學校 清光緒三十二年知縣管鳳詠創立女子小學一處爲本縣女學之臨矢校址在花園胡同

路東租賃民房初僅招女子初等小學一班次年改爲兩等小學擇女生年齡稍長學力較優者改組高等小學一班及宣統二年又改爲女子師範學校聘附生范懋祺爲校長由是風氣漸開女子就學者日衆班次亦逐年增加至民國五年范懋祺辭職就壽昌接充校長因校舍不敷應用乃遷至典史公署舊址原有瓦房十七間增建瓦房十四間設置漸稱完備十二年祝壽昌辭職孔繁洲接充校長時有師範一級高小三級初小四級十七年孔繁洲辭職李尙林接充校長時有師範二級高小二校初小六級十八年增添初中一級因學額增多校址狹隘乃於四月將師範二級初中一級遷至花園胡同路西現在校址分爲東西兩校及二十年秋因事變停學大同二年三月恢復遂將師範班停止招生改校名爲海城縣立女子初級中學校康德三年東校另委王殿試充校長專辦高初兩級小學本校專辦中學現有初中學生三級一百五十人職教員八人

縣立海城高級小學校 清光緒三十二年知縣管鳳齡在小南門裡娘娘廟及他山書院舊址創立兩等小學堂宣統元年改稱縣立第一高初兩等小學校民國元年因城鎮鄉自治會所設之高等小學成立遂將本校併入縣立師範改爲附屬高等小學校校址仍舊民國四年自治停辦高等小學改組取消附屬名目並將自治會所設之高等小學合併一處改稱中路城立高等小學校及康德二年始奉令改稱今名現有高小學生十級七百二十六人職教員十四人

縣立海城女子兩級小學校 清光緒三十二年創設宣統年間女師範成立本校附設在師範校內至民國五年因校舍不敷用乃遷至典史公署舊址即今校址並添校舍十數間嗣後女生就學者逐年增多級數次第擴充現有

女子高小三級初小九級學生共八百十五人職教員十六人

縣立八岔溝高級小學校 民國元年第二鎮自治會創立將海龍川高等小學移併在內四年自治停辦改爲東路城立高等小學校康熙二年改稱縣立八岔溝高級小學校現有高小學生三級一百二十人職教員四人

縣立大威王寨高級小學校 民國元年第三鄉自治會創立原設在城南虎莊屯四年自治會停辦改爲南路城立高等小學校民國十年因本村士紳楊惠峰捐助校舍乃遷至本村康熙二年改稱縣立大威王寨高級小學校現有高小學生二級九十四人內有女生二人職教員三人

縣立牛莊高級小學校 清光緒三十二年邑紳王惟展李心曾等創立原爲牛莊官立兩等小學堂民國元年歸第四鎮自治會接收四年自治會停辦改爲西路城立高等小學校康熙二年又改稱縣立牛莊高級小學校現有高小學生五級男生二百十五人女生三十人職教員七人

縣立騰蛟堡高級小學校 民國元年第六鎮自治會創立四年自治停辦改爲北路城立高等小學校康熙二年又改稱縣立騰蛟堡高級小學校現有高小學生四級男生一百七十四人女生二十五人職教員六人

私立騰蛟堡淑貞女子兩級小學校 清宣統初熱河朝陽縣王鳳儀組織家庭教育社到處講演專以提倡婦女道德爲宗旨曾至騰蛟堡開會講演邑人張雅軒首先入會熱心興學於宣統三年六月在周正堡設立女子義學一處一切經常各費均由自己擔負邑人王恕忱贊助之闔閭南女士充義務教師初僅有女生數人後經胡沆鹿王澤普高正午白輔臣劉玉詩等先後來校盡力維持規模稍備至民國四年始呈請縣公署立案定名海城縣第八

區私立第一小學校學生二百餘人嗣後逐漸擴充在遼陽遼中台安盤山等縣設立分校台安縣長崔國光提倡設立女子師範講習所歷年經費甚鉅張雅軒盡資已產以助興學其後朱恕臣高正午劉惠忱朱品一等等及各地慈善家捐助多金教務日見發展民國十年又在騰登堡購地二十七畝爲固定校址十一年推舉高正午爲校務主任先後建築校舍二十餘間其款皆由高正午及杜紹彭等捐助嗣張雅軒高心一劉惠忱等先後充校務主任又陸續建房二十餘間六年內共建築校舍四十七間十九年公推劉惠忱爲主任朱質章劉玉清副之二十年九一八事變又經劉竹亭高旭亭等先後擔任主任高蘊忱丁煥忱等助理校務康德元年奉天萬國道德總會聘張慧航爲主任經理校內各事同時騰登堡道德分會成立會長李毓宣副會長王介忱鄭慎五等對於校中事務實力補助二年添設高小一級經縣公署委任張慧航爲校長劉泮生爲教務袁靜亭爲學監王介忱爲經學教習三年又添招高小一級幼稚園一級現有高小二級初小四級幼稚園一級學生三百四十人職教員十餘人

縣立海城幼稚園 民國十七年創立園址在廟溝胡同路東教育會院內開辦經費奉洋二萬五千餘圓由各慈善家捐助常年經費大洋一千五百餘圓由縣開支內設園長一人由教育會長兼任保姆二人委劉福盛郭景芝充之招幼童一級二年畢業二十年九一八事變後劉福盛等辭職大同元年教育會長李尚林兼任園長任田桂馨王素芳爲保姆次年續招幼童一級康德元年田桂馨辭職由莊迺恕接充保姆現有幼童二級職教員三人

海城全境學校簡明表

校

名

學級數

教員數

男生數

女生數

總計

